

RJEŠENJE

O DAVANJU ODOBRENJA UDRUŽENJU GRAĐANA "SAMOSTALNI SINDIKAT PENZIONERA" ZA UNOŠENJE NAZIVA KANTONA SARAJEVO U NAZIV UDRUŽENJA

I

Odobrava se Udruženju građana "Samostalni sindikat penzionera" za unošenje naziva Kantona Sarajevo u naziv Udruženja.

II

Ovo rješenje će se objaviti u "Službenim novinama Kantona Sarajevo".

Broj 02-05-17303-9/02
17. septembra 2002. godine
Sarajevo

Premijer
Nermin Pećanac, s. r.

Na osnovu čl. 6. i 26. stav 4. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01) i člana 32. Zakona o kantonalnoj upravi ("Službene novine Kantona Sarajevo", broj 20/01), Vlada Kantona Sarajevo, na 118. sjednici održanoj 24. septembra 2002. godine, donijela je

RJEŠENJE

O POSTAVLJENJU POMOĆNIKA MINISTRA U MINISTARSTVU ZA BORAČKA PITANJA

I

LUKA TADIĆ, dipl. ecc. postavlja se za pomoćnika ministra za ekonomske poslove i informatiku u Ministarstvu za boračka pitanja Kantona Sarajevo.

II

Ovo rješenje objaviti u "Službenim novinama Kantona Sarajevo".

Broj 02-05.1804017.2./02
24. septembra 2002. godine
Sarajevo

Premijer
Nermin Pećanac, s. r.

Na osnovu čl. 24. i 26. Zakona o Vladi Kantona Sarajevo ("Službene novine Kantona Sarajevo", br. 7/96, 10/96, 20/98 i 4/01), a u vezi sa čl. 155., 156 i 157. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj 16/02), Vlada Kantona Sarajevo, na 118. sjednici održanoj 24. septembra 2002. godine, donijela je

UREDBU

O SUBVENCIONIRANJU TROŠKOVA BORAVKA DJECE U PREDŠKOLSKIM USTANOVAMA NA PODRUČJU KANTONA SARAJEVO

Član 1.

Ovom uredbom utvrđuju se korisnici prava, uslovi, način, postupak za ostvarivanje prava, korištenje i prestanak prava, sredstva za finansiranje, nadležni organ, kao i druga pitanja od značaja za potpuno ili djelimično oslobađanje od plaćanja troškova boravka djece u predškolskim ustanovama Kantona Sarajevo (u daljem tekstu: boravak djece).

Troškovi boravka djece u predškolskim ustanovama subvencioniraju se u cilju obezbjeđenja jednakih uvjeta za odgoj, njegu i zbrinjavanje djece predškolskog uzrasta i u skladu sa potrebama očuvanja socijalne sigurnosti porodice sa niskim primanjima.

Član 2.

Pravo na oslobađanje od plaćanja boravka djece ostvaruju:

- djeca bez oba roditelja,
- djeca čiji je jedan od roditelja sa invaliditetom preko 70% ili osobe koje imaju binauralni gubitak sluha od 95-100% po Fowler-Sabine,
- djeca korisnika naknade za pomoć i njegu od strane druge osobe,
- djeca korisnika prava na stalnu novčanu pomoć,
- djeca sa invaliditetom,
- djeca u čijem domaćinstvu ima jedno ili više mentalno retardiranih ili psihički oboljelih lica,
- djeca čija su oba roditelja redovni studenti,
- djeca sa jednim zaposlenim roditeljem ukoliko je drugi roditelj umro ili nije djetetu priznato očinstvo.

Član 3.

Pravo na boravak djece u iznosu od 50% od cijene troškova boravka djece ostvaruju:

- djeca bez jednog roditelja kojima je priznato očinstvo, ukoliko je drugi u radnom odnosu, djeca zaposlenih roditelja ili čiji je jedan od roditelja zaposlen, a drugi redovan student, čiji prihod po članu domaćinstva ne prelazi 35% prosječne plaće.

Član 4.

Pravo na boravak djece u iznosu od 30% od cijene troškova boravka po djetetu ostvaruju zaposleni roditelji, bez obzira na ukupne prihode domaćinstva, ako dvoje ili više djece boravi u predškolskoj ustanovi.

Član 5.

Ukupan prihod domaćinstva kao uvjet za ostvarivanje prava na boravak djece čine prihodi koje članovi domaćinstva ostvaruju po osnovu:

1. plaća i drugih primanja iz radnog odnosa (posljednja plaća prije podnošenja zahtjeva za subvencioniranje),
2. starosne, invalidske i porodične penzije,
3. poljoprivredne djelatnosti,
4. primanja po propisima iz invalidsko-boračke zaštite i zaštite civilnih žrtava rata,
5. prihoda ostvarenih po osnovu imovinskih prava,
6. prihoda ostvarenih po osnovu autorskih prava,
7. prihoda ostvarenih po osnovu privrednih, uslužnih i drugih djelatnosti,
8. prihoda po osnovu registrovane dopunske djelatnosti.

Član 6.

Prihodom od poljoprivredne djelatnosti u smislu tačke 3. člana 5. ove uredbe, smatra se katastarski prihod iz prethodne godine koji se dijeli sa 12 mjeseci i brojem članova domaćinstva.

Član 7.

Prihodom ostvarenim po osnovu invalidskog prava u smislu tačke 5. člana 5. ove uredbe smatra se prihod ostvaren prodajom imovine, davanjem imovine u zakup ili najam.

Član 8.

Prihod u smislu tačke 7. člana 5. ove uredbe je godišnji prihod koji se dijeli sa 12 mjeseci i brojem članova domaćinstva.

Član 9.

Pravo na potpuno ili djelimično oslobađanje od troškova boravka djece ne može ostvariti domaćinstvo u kojem je jedan od članova zajedničkog domaćinstva vlasnik preduzeća ili samostalne radnje ili ima registriranu dopunsku djelatnost, vlasnik je ili posjednik motornog vozila, osim ako su u pitanju

